

Kommunimut pilersaarummut tapiliussap, 1C3-5 Aqqusinersuaq Qatserisut, inaarutaasumik akuersissutigineqarnera

Aalajangiiffigisassaq

J.nr.: 16.03.01.01-P16-7-19

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Nuummi inissialiorfissanik ujartuisoqarnerujussua tunngavigalugu, ingerlatsivik kommunimut pilersaarummut tapiliussassamik siunnersuusiortoq, Nuup qeqqani eqiteriffiusinnaasutut periarfissiisussamik.

Pilersaarummut tapiliussaq immikkoortumut pioreersumut 1C3-mut nutaamik immikkuualuttulersuivoq. "Sumiiffimmi atuuffik allangussanngilaq, kisianni qituisoqarfittut atuuffeqaannassalluni, inissianik, meeqqerivinnik inuussutissarsiorfissanillu namminersortunit pigineqartunik sanaartorfineqassaaq, Aqqusinersuaq sinerlugu quleriit sisamat tikillugit illorsualiortoqarsinnaassalluni aammalu Qatanngutigiiinguit pingasut nalaanni immikkoortut 3-t, illorsuit arfineq-pingasunik quleriillit tikillugit sanaartorneqarsinnaassallutik."

Kommunimut pilersaarummut tapiliussaq sapaatit-akunnerini arfinilinni tamanut tusarniaassutigineqassaaq. Piffissaq eqqorlugu tusarniaassummut akissut ataaseq tunniunneqarpoq, ilangussaq 1-imi suliarineqartoq.

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- kommunimut pilersaarummut tapiliussatut siunnersuut 1C3-5 Aqqusinersuaq Qatserisut akuersissutigineqassasoq
- siunnersuut Aningaasaqarnermut Inuussutissarsiornermullu Ataatsimiititamut aalajangiiffigisassatut ingerlateqqinneqassasoq
- tamatumalu kingorna Aningaasaqarnermut Inuussutissarsiornermullu Ataatsimiititamit suliaq Kommunalbestyrelsimut inaarutaasumik akuersissutigisassanngorlugu ingerlateqqinneqassasoq

Suliassamik saqqummiussineq

Nuummi inissialiorfissanik ujartuisoqarnerujussua tunngavigalugu, ingerlatsivik kommunimut pilersaarummut tapiliussassamik siunnersuusiortoq, Nuup qeqqani eqiteriffiusinnaasutut periarfissiisussamik.

Pilersaarummut tapiliussaq immikkoortumut pioreersumut 1C3-mut nutaamik immikkuualuttulersuivoq. Sumiiffiup atuuffia allangussanngilaq, qituisoqarfittulli atuutiinnassaaq, inissialiorfissatut, meeqqeriviliorfissatullu suliffeqarfinnillu namminersortunik pigineqartunik sanaartorfissatut.

Immikkoortup ilaani kujammut kangimut samminerani inissiaruarnik portusuunik quleriit arfineq-pingasut tikillugit portutigisunik sanaartortoqarsinnaavoq, taamaaliornikkut tamaani Jagtvejimi illorsuit Qatanngutigiiinguillu Pingasut nalaanni, maannakkut sananeqalersuni, assigiissaarisoqarsinnaalissaaq. Taakkunani qilaamut portussusissanut tunngatillug piumasaaqatitaqanngilaq, taakkumi taamaallaat inissialiarineqarnissaat naatsorsuutigineqarmat.

Aaqqiissutissatut siunnersuut – suliatigut naliliineq

Ingerlatsiviup nalilerpaa, siunnersuut sumiiffimmut kommunip illoqarfimmik inerisaanissamik periusissiaanut naapertuuttoq, tamaani pingaartumik Nuukullaap tungaanut illoqarfiup ilaa nutarteriffigineqaleruttomat. Peqatigitillugu aamma maannakkut Aqqusinersuup ineriartortinneqarneranut ingerlanneqartumut naapertuuppoq, taamaammallu siunnersuummi aqqusineq pingaarneq assigiissaarnerusumik ataqatigiinnersumillu pilersitsiffigineqarnissaa periarfissaqalissalluni.

Aningaasatigut sulisoqarnikkullu naliliinerit

Uani oqaaseqatigiinnik ikkussigit imaluunniit -

Inatsisitigut tunngavissaq allakkallu tunngaviusumik uppersaatitalit

Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq aamma

Inatsisartut inatsisaa nr. 34, 9. december 2015-imeersoq

Kommunimut pilersaarut digitaliusoq www.sermersooq2028.gl

Ingerlariaqqinnissaq

Kommunimut pilersaarummut tapiliussap inaarutaasumik akuersissutigineqareernerata kingorna, malittarisassallu taaneqartut malillugit pilersaarut malillugu sumiiffik ineriartortinneqassaaq.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqatigiinneq

Kommunimut pilersaarummut tapiliussaq inaarutaasooq tamanut saqqummiunneqassaaq kommunimut pilersaarummut tapiliussami nittartakkami www.sermersooq2028.gl

Ingerlatsivinniit allaniit oqaaseqaatigineqartut

Soqanngilaq

Siusinnerusukkat aalajangernerit

Sanarfinermut Avatangii sinullu Ataatsimiititap ulloq 23. septembari 2019-imi aalajangernera:

Kommunimut pilersaarummut tapiliussassamiittoq Siunnersuut 2 isumaqatigiissutaasumik akuerineqarpoq inassuteqaallu akuerineqarluni.

Aningaasaqarnermut Inuussutissarsiornermullu Ataatsimiititap aalajangernera 25. septembari 2019-imeersoq:

Inassuteqaat akuerineqarpoq

Kommunalbestyrelsip aalajangenera 23. oktobarip 2019:
Inassuteqaat akuerineqarpoq

Ilanngussat

1. Tusarniaanermut akissutinik suliaqarneq
2. Tusarniaanermi akissutit tiguneqartut.
3. Kommunimut pilersaarummut tapiliussatut siunnersuut, 1C3-5, Aqqusinersuaq/ Qatserisut, Nuuk